



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/21-1-40-556-5/21**
Datum: **27.12.2021. god**

«Agencija za vodno područje rijeke Save» Sarajevo rješavajući po zahtjevu pravnog lica „TEAM AGRO” d.o.o. Gradačac za donošenje Rješenja o prethodnoj vodnoj saglasnosti za izgradnju solarne fotonaponske elektrane „Sunny Valley Solar Plant 990 kW” u naselju Donje Ledenice, općina Gradačac, na osnovu člana 218. Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev pravnog lica „TEAM AGRO” d.o.o. Gradačac za donošenje Rješenja o prethodnoj vodnoj saglasnosti za izgradnju solarne fotonaponske elektrane „Sunny Valley Solar Plant 990 kW” u naselju Donje Ledenice, na zemljištu označenom kao k.č. broj 1413 K.O. Donje Ledenice, općina Gradačac, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.

Obrazloženje

Pravno lice „TEAM AGRO” d.o.o. Gradačac, obratilo se ovoj Agenciji sa zahtjevom za donošenje Rješenja o prethodnoj vodnoj saglasnosti za izgradnju solarne fotonaponske elektrane „Sunny Valley Solar Plant 990 kW” u naselju Donje Ledenice, na zemljištu označenom kao k.č. broj 1413 K.O. Donje Ledenice, općina Gradačac.

U provedenom postupku dostavljena je i pregledana sljedeća dokumentacija:

- Ovjerena kopija rješenja o izmjenama podataka u registar poslovnih subjekata Općinskog suda u Tuzli broj 032-0-Reg-2-000599 dana 17.05.2021. godine;
- Ovjerena kopija Ugovora o zasnivanju prava građenja;
- Ovjerena kopija katastarskog plana UR broj: 08-28-767/2021-3 od 01.11.2021. godine izdatog od strane Gradske službe za geodetske i imovinsko-pravne poslove Grad Gradačac;
- Ovjerena kopija Posjedovnog lista broj 1522, izdatog od strane Gradske službe za geodetske i imovinsko-pravne poslove Grad Gradačac broj: 08-26-5822/21-2 dana 01.11.2021. godine;
- Ovjerena kopija Zemljišnoknjižnog izvadka broj: 028-0-NAR-20-004 248, ZK uložak broj: 384, K.O. Donje Ledenice – dio, izdatog od strane Zemljišnoknjižnog ureda Općinski sud u Gradačcu dana 01.11.2021. godine;
- Ovjerena kopija Rješenja o urbanističkoj saglasnosti donesenog od strane Gradske službe za urbanizam, investicije i komunalne poslove, broj: 06/1-191-1176/21 dana 21.10.2021. godine;
- Studija za izdavanje prethodne vodne saglasnosti za objekat fotonaponske elektrane „Sunny Valley Solar Plant – 990 kW”, urađena od strane TQM d.o.o. Lukavac, decembar 2021. godine;
- Dokazi o uplati upravne pristojbe u iznosu od 80,00.

Na osnovu uvida u dostavljenu dokumentaciju i uvida u Informacioni sistem voda utvrđeno je sljedeće:

- Planirani objekat (solarna fotonaponska elektrana) se ne nalazi u blizini vodotoka I kategorije, koji su u nadležnosti ove Agencije, niti u plavnom području,
- Planirani objekat je van bilo kakvih izvorišta i zaštitnih zona izvorišta vode za piće,

- U procesu rada samog objekta neće biti produkcije tehnoloških otpadnih voda.

Ukoliko tokom korištenja predmetne solarne fotonaponske elektrane dođe do promjene rješenja koje se odnosi na eventualnu produkciju tehnoloških otpadnih voda i način njihovog ispuštanja, korisnik objekta dužan je da podnese zahtjev za izdavanje vodnih akata nadležnom organu.

U skladu sa navedenim, a prema članu 139. stav (1) Zakona o vodama konstatovano je da ova Agencija po važećim propisima nema uslova za pokretanje upravnog postupka, te je shodno članu 123. Zakona o upravnom postupku riješeno kao u dispozitivu ovog zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Aida Bezdrob, dipl.građ.inž.

**Po ovlaštenju
Rukovodilac sektora za
izdavanje vodnih akata**


Haris Ališehović, dipl.inž.građ.

Dostaviti:

- „TEAM AGRO“ d.o.o. Gradačac, Sarajevska bb, 76250 Gradačac
- AVP Sava – ISV Vodna knjiga
- Org.jed. 40 – Arhiva
- AVP Sava – Oglasna ploča